

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-9975/23
Sarajevo, 08.6.2023. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

ODLUKU

I

Okvirni sporazum u postupku javne nabavke - **Izvođenje radova na rehabilitaciji ulice Višegradska**, broj obavještenja 422-1-3-102-3-93/23, objavljeno na Portalu javnih nabavki dana 25.4.2023. godine i “Službenom glasniku BiH- Oglasnik javne nabavke”, br. 30/23, dodjeljuje se ponuđaču „Orman“ d.o.o. Kiseljak sa ponudenom cijenom u iznosu od 434.526,91 KM bez PDV-a, odnosno 508.396,48 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Konstatuje se da je ponuđač iz tačke I ove Odluke u ponudi dostavio dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost, kao i dokumentaciju iz tačke 5.8. tenderske dokumentacije.

Obrazloženje

Odlukom broj 02/12-19-9975/23 od 20.4.2023. godine Općina Novi Grad Sarajevo pokrenula je otvoreni postupak javne nabavke – **Izvođenje radova na rehabilitaciji ulice Višegradska**, broj obavještenja 422-1-3-102-3-93/23, objavljeno na Portalu javnih nabavki dana 25.4.2023. godine i “Službenom glasniku BiH- Oglasnik javne nabavke”, br. 30/23.

Zapisnikom o otvaranju ponuda od 18.5.2023. godine Komisija je konstatovala da su u predviđenom roku, u propisno upakovanoj koverti, pristigle dvije (2) ponude ponuđača: 1. „Orman“ d.o.o. Kiseljak i 2. “Mušibegović gradnja” d.o.o Visoko.

Nadalje, Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuda ponuđača „Mušibegović gradnja“ d.o.o. Visoko ne ispunjava kvalifikacioni uslov tražen u tenderskoj dokumentaciji iz tačke 3.4.1. *(d) tehnička i profesionalna sposobnost - da je ponuđač opremljen neophodnom opremom za obavljanje predmetnih radova: prevozno sredstvo (kipper kamion) nosivosti do 10 tona – 2 kom., prevozno sredstvo (kipper kamion) nosivosti preko 10 tona – 2 kom., utovarivač – 1 kom., kombinovani radni stroj (utovarivač-rovokopač) - 1 kom., gejder – 1 kom., bager – rovokopač do 8 tona – 1 kom., bager – rovokopač 12-20 tona – 1 kom., valjak do 2 tone – 2 kom., valjak 2-6 tona – 1 kom., finišer – 1 kom., freza za asfalt i beton – 1 kom., vibro ploča mase 150-200 kg - 1 kom., vibro nabijač-skakavac – 1 kom.*

Tačkom 3.4.2. (e) propisano je da se navedeno dokazuje na sljedeći način: kao dokaz o obezbijedenosti opreme dostavlja se izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme, za kamione se dostavljaju važeće saobraćajne dozvole, (original ili ovjerena kopija), a za radne mašine važeća saobraćajna ili upotrebna dozvola (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija).

Uvidom u dostavljenu ponudu ponuđača „Mušibegović gradnja“ d.o.o. Visoko konstatovano je da je:

- ponuđač dostavio dokaz o posjedovanju samo jednog kipper kamiona nosivosti do 10 t;
- na stranici 207. ponuđač je za bager rovokopač do 8 t dostavio upotrebnu dozvolu koja nema evidenciju o težini bagera, a ponuđač nije dostavio zapisnik sa vidljivim karakteristikama koji čini sastavni dio upotrebne dozvole kako je traženo tenderskom dokumentacijom;
- za bager rovokopač – gusjeničar 12 – 20 tona – 1 kom ponuđač je dostavio upotrebnu dozvolu br. 219 i potvrdu o registraciji mašine na stranici br. 217. ponude, ali ponuđač nije dostavio zapisnik uz upotrebnu dozvolu koji sadrži tražene karakteristike;
- za valjak do 2 t – 2 kom ponuđač je dostavio upotrebnu dozvolu i ugovor o najmu za jedan valjak gdje su evidentirane tražene karakteristike. Za drugi valjak dostavljena je ovjerena kopija upotrebne dozvole (stranice 229-235) sa zapisnikom gdje nije evidentirana tražena karakteristika težine mašine;
- na stranici br. 239. ponude dostavljena upotrebna dozvola za vibracioni valjak, ali ista ne sadrži evidenciju o težini koja je tražena tenderskom dokumentacijom, a ponuđač nije dostavio zapisnik iz kojeg su vidljive karakteristike kako je traženo tenderskom dokumentacijom.

Iz naprijed navedenog razloga utvrđeno je da ponuđač „Mušibegović gradnja“ d.o.o. Visoko ne ispunjava uslove tražene u tenderskoj dokumentaciji iz tačke 3.4.1. (d) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da ponuda ponuđača „Orman“ d.o.o. Kiseljak ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude i konstatovala računsku grešku, a ponuđač „Orman“ d.o.o. Kiseljak dostavio je saglasnost na ispravku računске greške broj 170/23 od 07.6.2023. godine.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH, te je Komisija dala preporuku za zaključenje okvirnog sporazuma sa ponuđačem „Orman“ d.o.o. Kiseljak.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova

